

Važni telefoni u slučaju poplava:

DEZINFEKCIJA I DERATIZACIJA BANJALUKA: 051/247-368; 051/244-582; 051/244-443

CRVENI KRST BANJALUKA: 051/301-065; 051/301-072

SLUŽBA CIVILNE ZAŠTITE: 121

POLICIJA: 122 VATROGASCI: 123 HITNA POMOĆ: 124

ŠTA UČINITI NAKON POPLAVE!

Nakon poplava, pored mjera zaštite koje se provode za vrijeme poplave, potrebno je provesti i mjere sanacije objekata i područja koja su bila pod vodom:

- Držati se što dalje od oborenih električnih vodova, a njihovu lokaciju prijaviti elektrodistribuciji.
- Prijaviti eventualna oštećenja plinovoda i plinskih uređaja i ne koristiti ih dok se ne poprave.
- Neophodan je pregled instalacija za dostavu plina i električne energije od strane kvalifikovanih stručnjaka.
- Od komunalnih preduzeća tražiti uslugu čišćenja oštećenih septičkih jama i ispiranje kanizacionog sistema.
- Zbog mogućnosti miješanja sa kanizacionom vodom, obavezno je čišćenje (vrućom vodom i deterdžentom uz obavezno korištenje gumenih rukavica) i dezinfekciju zidova i podova prostorija u koje je dospjela poplavna voda. Nemojte zagrijavati prostor prije nego dezinfikujete zidove jer grijanje ubrzava razvoj štetnih mikroorganizama. Greška je grijati prostor radi isušivanja prije čišćenja i dezinfekcije ili isušivati prostore samo grijalicama bez odgovarajućeg provjetravanja ili mašinskog isušivanja
- Baciti zagađene predmete i materijale koji se ne mogu očistiti i dezinfikovati (pokvašeni namještaj nikako ne vraćati u kuću bez dezinfekcije). Komadi namještaja od punog drveta – masiva se mogu spasiti. Namještaj odvojite od mokrog poda ALUMINIJSKOM FOLIJOM (plastična folija ne dozvoljava isparavanje vlage). Operite nečistoće sredstvima za čišćenje drveta ili parketa i dobro osušite krpom ili papirnim ubrusima. Izbjegavajte sredstva na bazi hlora jer ćete uništiti površinu drveta. Namještaj od iverice uglavnom je uništen nakon poplave i bacite ga što prije jer se natopljena iverica ne može popraviti ili je popravak skup i ne isplati se.
- Lamine odmah uklonite. Ako je poplava trajala nekoliko sati, parketi će početi da bubre pa je bolje što prije ih ukloniti da se omogući čišćenje i sušenje podne glazure. Podignute i valovite parkete nemoguće je ispraviti, takvi parketi se vade i bacaju.
- Odjeću i obuću očistiti i oprati, dječije igračke oprati i dezinfikovati. Dušeke, krevete i tapacirani namještaj najbolje je baciti. Gotovo ih je nemoguće potpuno očistiti i dezinfikovati, a poplavljeni tapacirani nameštaj je mogući izvor bolesti. Jastuke i prekrivače bacite.
- Baciti svu hranu koja je došla u direktan kontakt sa poplavnom vodom, kao i

svu kvarljivu hranu koja je stajala van frižidera duže od 4 sata. Očistiti radne površine i pribor za jelo i kuhanje.

- Kada ste uklonili uništene i oštećene stvari i podne podloge, treba pristupiti čišćenju i dezinfekciji zidova i podova. Pri tom koristite zaštitne rukavice, gumene čizme, i maske za disanje zbog štetnih mikroorganizama i hemikalija.
- Ne gletujte i ne krečite zidove prije potpunog isušivanja. Razne glet mase i boje zatvaraju pore pa se zidovi sporije suše. Dobro rješenje je da se već za vrijeme čišćenja ostruže što više boje sa zida! Sve što bubri i odvaja se treba što prije ukloniti i time se ubrzava sušenje. Za vrijeme sušenja pojavljivaće se kristali minerala na površini. Ove kristale skidajte struganjem i odlažite što dalje od kuće. Na mjestima gde su oštećenja maltera dublja, najbolje je ukloniti sav malter do zida, pričekati isušivanje i sanirati posebnim materijalima za sanaciju vlažnih zidova. Krečite zidove kada ste potpuno sigurni da su zidovi suhi!
- Izbjegavati vožnju automobilom zbog mogućeg oštećenja cesta u poplavljenom području

Najbitnije je obavezno koristiti rukavice, nositi zaštitne maske i zaštinu obuću!

U slučaju ozbiljne povrede javiti se ljekaru!